

Perhimpunan khas institusi, sekolah seluruh negara

UM 29 OCT 2003
KUALA LUMPUR 28 Okt. — Semua sekolah dan institusi pendidikan akan mengadakan perhimpunan khas serentak di seluruh negara pada Khamis ini sebagai penghargaan kepada Perdana Menteri, Datuk Seri Dr. Mahathir Mohamad.

Ketua Pengarah Pendidikan, Datuk Abdul Rafie Mahat berkata, perhimpunan khas itu akan turut mengadakan pembacaan perutusan khas Menteri Pendidikan, Tan Sri Musa Mohamad dan surat terbuka pelajar sekolah di seluruh negara.

“Perhimpunan bermula pukul 9 pagi itu akan disertai sebanyak enam juta warga pendidikan sebagai tanda penghargaan ke atas jasa dan bakti Dr. Mahathir sebagai Perdana Menteri,” katanya dalam satu kenyataan di sini hari ini.

Dr. Mahathir akan melepaskan semua jawatannya dalam kerajaan pada Jumaat ini dan akan diambil alih oleh Datuk Seri Abdullah Ahmad Badawi sebagai Perdana Menteri baru.